

Broj: 02-521-12/16

Datum: 22.08.2016.godine

Na osnovu člana 64. stav 1. tačka b), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14), (u daljem tekstu: Zakon) člana 39. internog Pravilnika o javnim nabavkama broj: 01-8-4-1/15 od 02.07.2015.godine, u skladu sa članom 45. Statuta Javne zdravstvene ustanove Univerzitetski klinički centar Tuzla (prečišćeni tekst), u vezi sa zapisnikom o pregledu i ocjeni ponuda broj: 02-521-11/16 od 15.08.2016.godine, (u daljem tekstu: zapisnik) u postupku konkurentskog zahtjeva za dostavljanje ponuda, objavljenom na portalu javnih nabavki pod brojem: 867-7-1-82-3-41/16, na preporuku komisije za javne nabavke, Direktor je donio

ODLUKU

o izboru najpovoljnijeg ponuđača

I

Prihvata se preporuka komisije za javne nabavke i ugovor za javnu nabavku roba/medicinskih sredstava – instrumenti za potrebe Klinike za ortopediju i traumatologiju dodjeljuje se ponuđaču “Osteo med” doo Sarajevo, koji je dostavio ponudu broj: 0018-12/2016 u iznosu od **49.760,00 KM** bez PDV-a odnosno, **58.219,20 KM** sa PDV-om.

II

Prijedlog ugovora dostavit će se na potpis izabranom ponuđaču iz tačke I ove odluke po isteku žalbenog roka, računajući od dana kada su svi ponuđači obaviješteni o izboru najpovoljnije ponude.

III

Ova odluka će se objaviti na web-stranici www.ukctuzla.ba, istovremeno sa upućivanjem ponuđačima koji su učestvovali u postupku javne nabavke u skladu sa članom 71. stav 6. Zakona.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2) Zakona, zajedno sa zapisnikom u skladu sa članom 65. stav 2) Zakona.

Obrazloženje

Postupak javne nabavke roba/medicinskih sredstava – instrumenti za potrebe Klinike za ortopediju i traumatologiju pokrenut je Odlukom o pokretanju postupka javne nabavke broj: 02-521-1/16 od 11.05.2016.godine, putem konkurentskog zahtjeva za dostavljanje ponuda, objavljenog na portalu javnih nabavki pod brojem: 867-7-1-82-3-41/16.

U ostavljenom roku ponude je dostavilo ukupno 4 (četiri) ponuđača. Nakon javnog otvaranja ponuda Komisija za javne nabavke je izvršila pregled dostavljenih ponuda te utvrdila da ponude ponuđača “Sedžan ingenering” doo Sarajevo i “Ecotrade Sa” doo Sarajevo, nisu kvalifikovane jer nedostaju svi dokazi traženi tenderskom dokumentacijom onako kako je to konstatovano u zapisniku o pregledu i ocjeni ponuda. Ponuđač “Sedžan ingenering” doo nije dostavio dokaz o ispunjavanju uslova tehničke i profesionalne sposobnosti. Također, ponuđač “Ecotrade Sa” doo nije dostavio dokaz o ispunjavanju uslova tehničke i profesionalne spobnosti i dodatno njegova ponuda nije čvrsto uvezana kako je traženo. Za ponudu ponuđača “Medicallux” doo Tuzla, komisija je također konstatovala da nije prihvatljiva iz razloga što ne ispunjava zahtjeve tenderske dokumentacije odnosno nije u skladu sa

opisom predmeta nabavke i tehničke specifikacije navedene u obrascu za cijenu ponude Aneks 3 za stavku redni broj 15 i 18. Uvidom u katalog ovog ponuđača za stavku redni broj 15 Makaze Lister za zavoj dužine 180 mm ponudio je univerzalne makaze sa plastičnim rukohvatom a ne tražene makaze "Lister". Za stavku redni broj 18 kliješta za kost Luer za sječenje kosti savijena duž. 155 mm 6", ponuđen je potpuno drugi instrument – Liston. Traženi Luer hiruški instrument je instrument odnosno kliješta za laminektomiju sa tupim čeljustima savijene dužine 155 mm a ponuđen je instrument drugih karakteristika odnosno sa ravnim i oštrim čeljustima dužine 150 mm.

Komisija je u nastavku izvršila ocjenu preostale prihvatljive ponude primjenjujući kriterije za dodjelu utvrđene u tenderskoj dokumentaciji, nakon čega je sačinila rang listu ponuđača kako je navedeno u zapisniku o pregledu i ocjeni ponuda.


Prema utvrđenoj rang listi izabran je ponuđač "Osteo – med" doo Sarajevo, a razlog za izbor ponuđača sadržan je u činjenici da je izabrani ponuđač dostavio prihvatljivu ponudu koja je primjenom člana 64. stav 1 tačka b) ocijenjene kao najpovoljnija.

Iz zapisnika je utvrđeno da je Komisija za javne nabavke pravilno izvršila ocjenu prispjelih ponuda a izbor ponuđača izvršen je u skladu sa Zakonom o javnim nabavkama, podzakonskim aktima, i tenderskom dokumentacijom.

Shodno naprijed navedenom a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 5 dana od dana prijema ove odluke.



DIREKTOR
Doc.dr.med.sci. Nešad Hotić

Dostaviti:

- 1 x Ponuđačima
- 1 x Komisiji za nabavke
- 1 x Službi za nabavu
- 1 x Sektoru za ek.-fin.poslove
- 1 x a/a